



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԱՐՄԱՎԻՐԻ ՄԱՐԶՊԵՏ

ՈՐՈՇՈՒՄ

« 17 » « *փետրվար* » 2025թ.

ՄՄՈ/254 -Ա

Ք. Արմավիր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՊԵՏԻ 2021 ԹՎԱԿԱՆԻ  
ՓԵՏՐՎԱՐԻ 23-Ի ՄՄՈ/60-2021 ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ  
ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի  
Հանրապետության օրենքի 34-րդ հոդվածի 1-ին և 4-րդ մասերով.

որոշում եմ՝

1. Հայաստանի Հանրապետության Արմավիրի մարզպետի 2021 թվականի փետրվարի 23-ի «Հայաստանի Հանրապետության Արմավիրի մարզպետարան մուտքագրված սոցիալական աջակցության խնդրանքով դիմումների քննարկման նպատակով հանձնաժողով ստեղծելու, հանձնաժողովի աշխատանքային գործունեության և Հայաստանի Հանրապետության Արմավիրի մարզի սոցիալապես խոցելի հիմնական խմբերին աջակցություն տրամադրելու կարգերը հաստատելու և Հայաստանի Հանրապետության Արմավիրի մարզպետի 2018 թվականի հունիսի 15-ի N44 կարգադրությունն ուժը կորցրած ճանաչելու մասին» ՄՄՈ/60-2021 որոշման մեջ կատարել հետևյալ փոփոխությունը՝
  - 1) Որոշման NN1-3 հավելվածները շարադրել նոր խմբագրությամբ՝ համաձայն NN1-3 հավելվածների:
2. Սույն որոշումն ուժի մեջ է մտնում ընդունման պահից:



2025-02-17 17:22:14 GMT+4  
Հավաստված է էԿԵՆԳ-ի կողմից

ՄԱՐԶՊԵՏ՝

Ա. ՄԵՆԱԿՅԱՆ

Հավելված N 1  
Հայաստանի Հանրապետության Արմավիրի մարզպետի  
2025 թվականի փետրվարի 17 -ի  
N ՄՈ/254 -Ա որոշման

«Հավելված N1  
Հայաստանի Հանրապետության Արմավիրի մարզպետի  
2021 թվականի փետրվարի 23-ի  
N ՄՈ/60-2021 որոշման

**ԿԱԶՄ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՊԵՏԻ ԱՇԽԱՏԱԿԱԶՄ  
ՄՈՒՏՔԱԳՐՎԱԾ ՍՈՑԻԱԼԱԿԱՆ ԱԶԱԿՑՈՒԹՅԱՆ ԽՆԴՐԱՆՔՈՎ ԴԻՄՈՒՄՆԵՐԻ  
ՔՆՆԱՐԿՄԱՆ ՀԱՆՁՆԱԺՈՂՈՎԻ**

**Հանձնաժողովի նախագահ՝**

Բ.Նիկողոսյան - Հայաստանի Հանրապետության Արմավիրի մարզպետի  
խորհրդական

**Հանձնաժողովի քարտուղար՝**

Ն.Թամրազյան-Հայաստանի Հանրապետության Արմավիրի մարզպետի  
աշխատակազմի առողջապահության և սոցիալական ոլորտի հարցերի վարչության  
գլխավոր մասնագետ

**Անդամներ՝**

Ա.Ապիտոնյան-Հայաստանի Հանրապետության Արմավիրի մարզպետի  
աշխատակազմի առողջապահության և սոցիալական ոլորտի հարցերի վարչության  
պետ

Ա.Հակոբյան-Հայաստանի Հանրապետության Արմավիրի մարզպետի  
աշխատակազմի ֆինանսական վարչության պետ

Գ.Հովհաննիսյան-Հայաստանի Հանրապետության Արմավիրի մարզպետի  
աշխատակազմի տարածքային կառավարման և տեղական ինքնակառավարման  
հարցերի վարչության պետ

Լ.Հարությունյան- Հայաստանի Հանրապետության Արմավիրի մարզպետի  
աշխատակազմի իրավաբանական բաժնի պետ»:

Недействительная подпись

*XiRk...*

VERIFIED OCSP 17.02.2025 17:20:43 GMT+4

Подписано: HOVHANNISYAN ARAM 3812640023

ԳԼԽԱՎՈՐ ՔԱՐՏՈՒՂԱՐ



Ա. ՀՈՎՀԱՆՆԻՍՅԱՆ

**Հավելված 2**  
**Հայաստանի Հանրապետության Արմավիրի մարզպետի**  
**2025 թվականի փետրվարի 17 -ի**  
**ՆՄՈ/254 -Ա որոշման**

**«Հավելված N2**  
**Հայաստանի Հանրապետության Արմավիրի մարզպետի**  
**2021 թվականի փետրվարի 23-ի**  
**ՆՄՈ/60-2021 որոշման**

**ԿԱՐԳ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՊԵՏԻ ԱՇԽԱՏԱԿԱԶՄ ՄՈՒՏՔԱԳՐՎԱԾ ՍՈՑԻԱԼԱԿԱՆ ԱԶԱԿՑՈՒԹՅԱՆ ԽՆԴՐԱՆՔՈՎ ԴԻՄՈՒՄՆԵՐԻ ՔՆՆԱՐԿՄԱՆ ՆՊԱՏԱԿՈՎ ՍՏԵՂԾՎԱԾ ՀԱՆՁՆԱԺՈՂՈՎԻ ԱՇԽԱՏԱՆՔԱՅԻՆ ԳՈՐԾՈՒՆԵՈՒԹՅԱՆ**

1. Սույն կարգով սահմանվում են Հայաստանի Հանրապետության Արմավիրի մարզպետի աշխատակազմ մուտքագրված սոցիալական աջակցության խնդրանքով դիմումների քննարկման նպատակով ստեղծված հանձնաժողովի (այսուհետ՝ հանձնաժողով) աշխատանքային գործունեության հետ կապված իրավահարաբերությունը:

2. Սույն կարգի նպատակն է սահմանել՝ հանձնաժողովի գործառույթները, հրավիրված նիստերի գումարման և դիմումների քննարկման ժամկետները:

3. Սոցիալապես խոցելի հիմնական խմբերին աջակցության տրամադրման կարիք առաջանալու դեպքերն են՝

1) մարզի սոցիալապես անապահով և կյանքի դժվարին իրավիճակում հայտնված, բազմազավակ ընտանիքներ.

2) մարզի սոցիալապես անապահով, առողջական խնդիրներ ունեցող անձինք.

3) մարզի միայնակ թոշակառուներ և տարեցներ (65 տարին լրացած անձինք).

4) մարզի միակողմանի, երկողմանի ծնողազուրկ և միակ ծնողի խնամքին գտնվող երեխաների ընտանիքներ.

5) կացարան չունեցող կամ ժամանակավոր կացարանում բնակվող ընտանիքներ.

6) առաջադիմություն ունեցող, անապահով ընտանիքների ուսանողների ուսման վարձի մասնակի փոխհատուցում ստացող ուսանողներ.

4. Հանձնաժողովը քննարկում է քաղաքացիների ներկայացրած դիմումները և մարզպետի աշխատակազմի առողջապահության և սոցիալական ոլորտի հարցերի վարչության մասնագետների կողմից կազմված ընտանիքի կամ անձի կարիքների գնահատման

թերթիկները և յուրաքանչյուր դիմումի համար ներկայացնում առաջարկություն համաձայն իրենց կարիքավորության աստիճանի և խնդիրների առաջնահերթության:

5. Հանձնաժողովը քննարկման արդյունքում կազմում և մարզպետին է ներկայացնում սոցիալական աջակցություն տրամադրելու վերաբերյալ առաջարկություն կամ հնարավորության դեպքում ներկայացնում է Միասնական սոցիալական ծառայության համապատասխան կենտրոն՝ եռամսյակային հրատապ դրամական օգնության տրամադրման նպատակով:

6. Հանձնաժողովը՝ նիստերն իրականացնում է տասնհինգօրյա ժամկետում, իսկ լրացուցիչ ուսումնասիրությունների անհրաժեշտության դեպքում կարող է երկարաձգվել, ևս տասնհինգօրյա ժամկետով:

7. Աջակցություն կարող է տրամադրվել մինչև 50.000 Հայաստանի Հանրապետության դրամի սահմաններում, բացառիկ դեպքերում՝ հաշվի առնելով քաղաքացիների կարիքավորության առանձնահատկությունները, մարզպետի հայեցողությամբ կարող է սահմանվել դրամական աջակցության այլ չափեր:

8. Մեկ բյուջետային տարվա ընթացքում միևնույն անձին (ընտանիքին) աջակցությունը տրամադրվում է տարին մեկ անգամ, բացառիկ դեպքերում՝ հաշվի առնելով քաղաքացիների կարիքավորության առանձնահատկությունները, մարզպետի հայեցողությամբ աջակցությունը կարող է կրկնվել:

9. Նիստերի իրականացման վերաբերյալ կազմվում է արձանագրություն, որը կցվում է մարզպետին ներկայացված առաջարկությանը»:

**Գլխավոր քարտուղար՝**

**Ա. Հովհաննիսյան**

 Недействительная подпись



VERIFIED OCSP 17.02.2025 17:19:45 GMT+4

Подписано: HOVHANNISYAN ARAM 3812640023



**Հավելված 3**  
**Հայաստանի Հանրապետության Արմավիրի մարզպետի**  
**2025 թվականի փետրվարի 17 -ի**  
**ՈՍՈ/259 -Ա որոշման**

**«Հավելված N3**  
**Հայաստանի Հանրապետության Արմավիրի մարզպետի**  
**2021 թվականի փետրվարի 23-ի**  
**ՈՍՈ/60-2021 որոշման**

**ԿԱՐԳ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱՄԱՎԻՐԻ ՄԱՐԶԻ ՍՈՑԻԱԼԱՊԵՍ ԽՈՑԵԼԻ  
ՀԻՄՆԱԿԱՆ ԽՄԲԵՐԻՆ ԱԶԱԿՑՈՒԹՅԱՆ ՏՐԱՄԱԴՐՄԱՆ**

1. Սույն կարգով սահմանվում են Հայաստանի Հանրապետության Արմավիրի մարզի (այսուհետ՝ մարզ) բնակչության պետական սոցիալական պաշտպանության ծրագրերի իրականացման, սոցիալապես խոցելի հիմնական խմբերին աջակցության տրամադրման հետ կապված իրավահարաբերությունները:

2. Աջակցությունը տրամադրվում է յուրաքանչյուր տարի բնակչության պետական սոցիալական պաշտպանության ծրագրերի իրականացման, սոցիալապես խոցելի հիմնական խմբերին աջակցության տրամադրման համար պետական բյուջեից հատկացվող ֆինանսական միջոցներից, եռամսյակային կտրվածքով:

3. Սոցիալապես խոցելի հիմնական խմբերին աջակցության տրամադրման խնդիրներ են՝

1) մարզի սոցիալապես անապահով և կյանքի դժվարին իրավիճակում հայտնված, բազմազավակ ընտանիքներին աջակցությունը

2) մարզի սոցիալապես անապահով, առողջական խնդիրներ ունեցող անձանց աջակցությունը

3) մարզի միայնակ կենսաթոշակառուներին և տարեցներին (65 տարին լրացած անձինք) աջակցությունը

4) մարզի միակողմանի, երկողմանի ծնողազուրկ և միակ ծնողի խնամքին գտնվող երեխաների ընտանիքներին աջակցությունը

5) կացարան չունեցող կամ ժամանակավոր կացարանում բնակվող ընտանիքներին աջակցությունը

6) բարձր առաջադիմություն ունեցող, անապահով ընտանիքների ուսանողների ուսման վարձի մասնակի փոխհատուցումը

4. Որպես սոցիալապես խոցելի հիմնական խմբերին աջակցության տրամադրման համար հիմք է հանդիսանում քաղաքացիների կողմից ներկայացված դիմումները, քաղաքացիական հասարակության այլ ինստիտուտների կողմից ներկայացված գրությունները:

5. Այն դեպքում, երբ սոցիալապես խոցելի հիմնական խմբերին աջակցության տրամադրման համար դիմել են հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտները, ապա վերջիններիս կողմից լիազորված ներկայացուցիչը մարզպետի աշխատակազմ է ներկայացնում առաջացած խնդրի վերաբերյալ դիմում՝ նշելով դրա նպատակը և անհրաժեշտության հիմնավորումը,

խնդրի կարգավորման համար անհրաժեշտ ֆինանսական միջոցի չափը և անհրաժեշտության հիմնավորումը հավաստող փաստաթղթեր, եթե դրանք առկա են:

6. Սույն կարգի 3-րդ կետում սահմանված սոցիալապես խոցելի հիմնական խմբերին աջակցության տրամադրման նպատակով մարզպետի որոշմամբ՝

1) ստեղծվում է մարզպետի աշխատակազմ մուտքագրված սոցիալական աջակցության խնդրանքով դիմումների քննարկման նպատակով ստեղծված հանձնաժողով, հաստատելով անհատական կազմը և աշխատանքային գործունեության կարգը

2) դիմումներին սահմանված կարգով ընթացք տալու նպատակով մարզպետի աշխատակազմի առողջապահության և սոցիալական ոլորտի հարցերի վարչության մասնագետները սահմանված ժամկետներում հանձնաժողովին են ներկայացնում ընտանիքի կամ անձի կարիքների գնահատումը.

3) մշտական հանձնաժողովը կարիքի գնահատման հիման վրա, սույն կարգով սահմանված դրույթներին համապատասխան, մարզպետին է ներկայացնում սոցիալական աջակցություն տրամադրելու վերաբերյալ առաջարկություն:

4) մարզպետը ուսումնասիրելով համապատասխան առաջարկությունը կայացնում է որոշում քաղաքացիներին դրամական աջակցություն ցուցաբերելու վերաբերյալ, յուրաքանչյուրին իր կարիքին համապատասխան:

7. Դրամական աջակցություն ցուցաբերելու դեպքում գումարը տրամադրվում է անկանխիկ(բացառիկ դեպքերում կանխիկ)՝ համապատասխան բանկային հաշվեհամարին փոխանցելու միջոցով:


8. Սոցիալական աջակցություն կարող է տրամադրվել նաև ոչ դրամական ձևով:

9. Մեկ բյուջետային տարվա ընթացքում միևնույն անձին (ընտանիքին) աջակցությունը տրամադրվում է տարին մեկ անգամ, բացառիկ դեպքերում հաշվի առնելով քաղաքացիների կարիքավորության առանձնահատկությունները, մարզպետի հայեցողությամբ աջակցությունը կարող է կրկնվել:

10. Ուսման վարձի մասնակի փոխհատուցման ձևով սոցիալական աջակցություն տրամադրվում է պետական (նաև՝ պետության կողմից հավատարմագրված ոչ պետական) բարձրագույն կամ միջին մասնագիտական ուսումնական հաստատություններում սովորող, առաջադիմություն ունեցող, անապահով ընտանիքների ուսանողներին:

11. Սոցիալական աջակցությունից չեն կարող օգտվել՝ Արմավիրի մարզի վարչական տարածքում բնակվող հաշվառում չունեցող քաղաքացիները, մարզպետի աշխատակազմի աշխատողները, ինչպես նաև վերջիններիս հետ մերձավոր ազգակցությամբ կամ խնամիությամբ կապված անձինք (ծնող, ամուսին, զավակ, թոռ, եղբայր, քույր), եթե նրանք վարում են համատեղ տնտեսություն»:

17.02.2025



VERIFIED OCSP 17.02.2025 17:18:33 GMT+4

Подписано: HOVHANNISYAN ARAM 3812640023

**Գլխավոր քարտուղար**

**Ա. Հովհաննիսյան**

